



Chësc ultim fin dl'edema él gnü soghé le tan aspeté derby ladin anter la formaziun da La Val y chëra dla Val Badia.

Soghé éle gnü al ciamp Pradel a San Martin, olache ince chësc secundo derby i va a La Val, le resultat toma fora sön le 2 a 1. Na partida iüsta, sides por le resultat final y sides por la direziun arbitrala.

Le bel publich apascioné rové adalerch á podü ciaré a na bela partida, cun en prüm tēmp scialdi comané da La Val, deperpo che la VB fej le jüch tla secunda pert.

Atira é La Val co mēt sot a presciun la defenjiun dla VB, la formaziun se posizionēia plö alta por fa druch sön i portadus dl palé. Michi vëgn tosc metü a tera al limit y ciafa la puniziun, la bela trata tl'incrujiada vëgn defantada cun n bel stach dl numer un Fredigg. Püch do, al 8^a vëgn Alex E. sorví da Stefan y bel sú dan le portier prol la trata sēcia sön le pröm pé che ti gareta por le 1 a 0. I pai rebatüds dala defenjiun dla VB vëgn scialdi archità sö, cun le antizip ti gareta a La Val val ripartēza, le ultim pasaje chilò dess ester fundamental, gonot indere él massa lunch o massa cört, le portier Ferdigg fej bun só laur y blochēia tröc pai passà amez. Dal atra pert é le capitan Erlacher che pro ince na puniziun al limit, la trata de prezijiun vëgn deviada te ciantun cun n bel jore dl verda porta Sepl. Al 40^a se prejentēia le atacant Alex E. dan porta y vëgn metü a tera dan la trata dal portier Ferdigg, le arbiter mostra sön le punt di önescmetri che vëgn trasformé da Michi por le 2 a 0.

Le pröm temp se röia sön le resultat de 2 a 0 por La Val

Tla secunda pert dla partida passa le sceter dl jüch ala VB, i atacanc da La Val vëiga dainré la porta aversara y mēss plö gonot aretré a dēidé defēnn. Le mür defensiv tēgn bot y ne lascia nia passé saurí i atacanc dla VB. Ocajiun d'or di padruns de ciasa é le jonn Hannes che á sön le pé, sön na rebatüda de Sepl röia chēsc ultim a porvé la trata sēcia, le curan röia indere sura la stangia de porta fora. Le gran druch porta ince sü früc y al 86^a röia le atacant Manuel da na pert jö y mēt n bel palé amez por le compagn Alla che pó apogé insciö la cogura te porta. Ince sce les forzes di ghesc é prēsc a tera, ne mancel impó nia la determinaziun de porté a ciasa i trēi punc. Al vëgn combatü sön vigni palé y les sostituziuns frēsches da ince só contribut a fa garaté

la devënta. Cun le sciür dl arbiter se röia chësc secundo derby y i ghesch da La Val pó trá le scrai tan aspeté. La Val resta al terzo post cun le distach de 2 punc dal Sest, la VB romagn al otavo post.

ACD Val Badia – La Val : 1-2

Formaziun La Val: 1.Sepi Kantioler, 2.Elmar Valentin, 3.Egon Frenes (dal 70[^] Werner Sottara), 4.Paolo Vallazza, 5.Marco Castlunger, 6.Freddy Sottara, 7.Luca Pescollderung (dal 50[^] Felix Nagler), 8.Stefan Sottara - capitan, 9.Michi Frenes (dal 85[^] Adrian Miribung), 10.Alex Elzenbaumer, 11.Max Nagler (dal 70[^] Alexander Miribung).

Formaziun Val Badia: 1.Rene Ferdigg, 2.Andrea Conrater (dal 56[^] Altin Alla), 3.Julian Bernardi, 4.Alex Stampfer (dal 83[^] Hannes Erlacher), 5.Samuel Vittur, 6.Davide Moling (dal 74[^] Matteo Ploner), 7.Heinrich Conrater (dal 66[^] Daniel Crepaz), 8.Giovanni Giaramita (dal 46[^] Paolo Adami), 9.Manuel Clara, 10.Armin Erlacher (capitan), 11.Matthias Stampfer.

Goi La Val: Alex Elzenbaumer al 8[^], Michi Frenes 40[^]

Goi Val Badia: Altin Alla al 86[^]

Proscimes partides: La Val süga süa proscima partida in domenia ai 3 de má dales 16:00 a La Val cuntra le Mühlwald deperdpo che la VB süga dala indema ora a Gais cuntra la squadra de ciasa

Resultac dles atres partides: [RESULTA C](#)

Insëra, mercuri ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.